

Script Of Morning Gojri News Bulletin 01 October 2023 at 1015Hrs

ما رنینگ گو جری نیوز بلیٹن مورخہ یکم اکتوبر 2023




یوہ آکا شوانی جموں ہے باغ علی طاہر تیں خبر سُنو۔




PM Modi Swachta

وزیر اعظم نریندر مو دی نے آج نویں دہلی تیں اک گھنٹہ غا دورانہ غی رضاکارانہ صفائی مہم غو آغاز کیوہے۔ استوں پہلاں سوشل میڈیا پوسٹ ور وزیر اعظم نے کہیو جے سوچہ بھارت مُلک غا تمام خانداناں غی مجموعی ذمہ داری ہے۔ تے اس خاطر عوامی شمولیت غی ہر کوشش بڑی اہمیت رکھے۔ من کی بات پروگرام غا اپنا گڈستہ شمارہ مانہ انہاں نے شہریاں تیں اپیل کی تھی جے وے اس رضاکارانہ صفائی مہم مانہ شرکت کریں۔ 2 اکتوبر نانہ مہاتمہ گا ندھی نانہ خراج عقیدت پیش کرن غا سلسلہ مانہ منعقد کیا جان آلا اس پروگرام غو عنوان ”اک تارخ، اک گھنٹہ، اک ساتھ“ رکھیو گیو ہے۔



LG Swatcha

لیفٹنٹ گورنر منوج سنہا نے اج ”اک تارخ۔ اک گھنٹہ اک ساتھ“ غا عنوان سنگ سرینگر تیں صفائی مہم غی قیادت کریں گا۔ سوچہ بھارت مشن غی یاہ نویں سالگرہ وے گی۔ ایل جی موصوف انتظامی سیکریٹریاں تے سنئیر افسراں غے ہمراہ اس مہم مانہ شرکت کر رہیا ہیں۔ اس توں بعد جناب سنہا ”کرتویا“ غے تحت صلاحیت پیدا کرن غا سلسلہ مانہ منعقد کیا جان اک پروگرام، تے مفاہمت نامہ ور دستخط کیا جان بارے منعقد کی جان آلی اک تقریب مانہ وی شرکت کریں گا۔ یوہ محکمہ ٹیکس تے چارٹر اکاؤنٹس آف انڈیا غی طرفوں مشترکہ طور ور منعقد کیا جان آلا اک سانجھو اقدام ہے یاہ تقریب ایس کے آئی سی سی سرینگر مانہ منعقد کی جا رہی ہے۔ وے استوں علاوہ ”میرا بل میرا ادھیکار“ غا عنوان سنگ اک مقابلہ مانہ شرکت کرن آلاں نانہ نوازیہا جان بارے منعقد کیجان آلی اک ہور تقریب مانہ وی شرکت کریں گا۔ جہیڑی جی ایس ٹی آلی خرید و فروخت آلی چیزاں غا بل حاصل کرن غی صارفین نانہ عادت پان غی خاطر منعقد کی جا ئیگی۔



School Timing Winters


جموں کشمیر سرکار نے سرینگر میونسپل حدود غے اندر تے جموں غا گرمائی زون غے اندر آن آلا تمام تعلیمی اداراں غا تدریسی اوقات مانہ تبدیلی اوقات مانہ تبدیلی غی ہدایت کی ہے۔ آکا شوانی جموں غا نمائندا نے دسیو ہے جے جموں کشمیر غی محکمہ اسکولی تعلیم غی

ڈائریکٹوریٹ غی طرفوں جاری کیا گیا علیحدہ حکم نامہ غے مطابق آج یعنی پہلی اکتوبر تیں اسکولان غا تدریسی اوقات سویر 9 بجا تیں پیشی 3 بجا توڑی مقرر کیا گیا این۔ البتہ گرائیں علاقان غے تحت آن آلا تعلیمی اداران غا تدریسی اوقات سویر 10 بجا تیں شام 4 بجا توڑی ویں گا۔ اس تون علا وہ جموں ڈویزن غا سرمائی زون غے تحت آن آلا علاقان مانہہ وی اسکولان غا تدریسی اوقات سویر 10 بجا تیں شام 4 بجا توڑی مقرر کیا گیا ہیں۔ اس حکمنامہ مانہہ کہیو گیو ہے جے طے کیا گیا این اسکولی اوقات غی خلاف ورزی کرن آلا تعلیمی اداران غے خلاف کاروائی کی جائے گی۔



CS Mehta

چیف سیکریٹری ڈاکٹر ارون کمار مہتہ نے کل ضلع ریاسی غا جیوتی پورم علاقہ غے نزدیک دُنیا غا سب تیں اُچا لوہا غا محرابی ریلوے پُل غو معائنو کیو۔ جہیڑو ہُن تکمیل غے نزدیک ہے۔ اس موقع ور اُن غے ہمراہ بھارتی ریلوے گا افسر تے متعلقہ انجنئر وی موجود تھا۔ اس موقع ور چیف سیکریٹری نانہہ جانکاری دتی گئی جے یوہ ریلوے پُل پیرس گا ”ایفل ٹاور“ تیں وی 29 میٹر اُچو ہے۔ ڈاکٹر مہتہ نے اس موقعہ ور ضلع انتظامیہ نانہہ وی کہیو جے وہ اس عجوبہ نانہہ اک سیلانی مقام بنان غی خاطر ضروری اقدام کرے۔ اس موقع ور بولتاں وان ڈاکٹر مہتہ نے کہیو جے ریاسی ضلع مانہہ بڑی تعداد مانہہ سیلانیان غی آمد رہ۔ جت ہُن سالانہ اعدادو شمار اک کروڑ غو نشانو پار کر چکا این۔ اُن غو کہنوتھو جے ماتا ویشنو دیوی، شو کھوڑی، سالل ڈیم تے بہیم گڑھ قلعہ سمیت ضلع ریاسی مانہہ کافی سیاحتی اہلیت موجود ہے۔ جس غی وجہ نال ات کا فی مئی تعداد مانہہ سیلانی آریا این۔



Secretary Revenue

سیکریٹری رونبو ڈاکٹر پیوش سنگلا نے گل ضلع ڈوڈہ مانہہ محکمہ مال غا کم کاج غو جائزو لیو۔ اس موقع ور ڈاکٹر سنگلا نے افسران ور زور پایو جے وے لمبرداران تے چوکیداران سنگ باقاعدگی نال باہمی تال میل ور مبنی پروگرام کریں۔ تانجے مقامی معاملان غو جلد نیڑو کیو جا سکے۔ اُنہان نے پی ایس جے اے غی مقررہ مدت غے اندر اندر لوکان نانہہ خدمات مہیا کران غی وی افسران نانہہ ہدایت کی۔ تانجے زیادہ تون زیادہ شفافیت، جو ابدہی تے بر وقت عوامی خدمات مہیا کران غو مقصد حاصل کیو جا سکے۔ اُنہان نے مکمل طور ور آن لائن خدمات مہیا کران غی ضرورت ور وی زور دتو۔



CBC Doda


ڈوڈہ مانہہ اطلاعات تے عوامی تعلقات بارے محکمہ تے سینٹرل بیورو آف کمیونیکیشن غی مشترکہ کوششان سنگ منعقد کیا جان آلا ای ویسٹ کولیکشن تے اونٹرنس بوتھ اقدام کل کامیابی سنگ اختتام پذیر ہو گیو۔ اس اقدام غو مقصد لوکان نانہہ ای ویسٹ گا ماڑا اثرات تیں آگاہ کرن

غے نال نال اس غا بہتر متبادل مہیا کرانو تھو۔ تانجے الیکٹرانک ویسٹ گا ماڑا اثرات تیں لوکاں
نانہ محفوظ بنایو جا سکے۔



DC Rajouri

طالب علماں تے سٹاف غی بہتری غی خاطر ڈپٹی کمشنر راجو ری وکاس کونٹل نے سکولان
مانہ پانی غی سپلائی غو اک میٹنگ مانہ جائزو ليو ہے۔ انہاں نے میٹنگ غے دوران ایسا سکولان
غی جانکاری حاصل کرن واسطے کہیو جن مانہ پین غا پانی غی سپلائی مہیا کرائی جا رہی ہے۔
میٹنگ مانہ بولتاں وان انہاں نے کہیو جے پین غا صاف پانی غی اک جیسی سپلائی طالب علماں،
تے سٹاف نانہ مہیا کران غی بنیا دی ضروریات مانہ شامل ہے۔ انہاں نے افسران نانہ ہدایت کی
ہے جے طالب علماں تے سکولی سٹاف نانہ پین غا صاف پانی غی سپلائی نانہ یقینی بنایو جائے۔



اس غے نال ہی گوجری خبراں غو یوہ بلیٹن ختم ہوؤ۔

